

Evttohusat Máná vuoigatvuodát -govvakoarttaid geavaheapmái

Muitinspeallu

Árbevirolaš muitinspeallu, mas ohcet rievttis govva- ja teakstapára, mat leat stellejuvvon beavddi ala nu, ahte govva- ja teakstabealli eai oidno. Hárjehusa sáhtá čadahit smávva joavkkuin dahje gaskadiimmuin okto.

Doaimmalaš muitinspeallu

Juohke oahppis lea iežas koarta, masa ohcet pára nuppi oahppi koarttas luohkás johtimiin. Oahppi oažžu govvakoartta dahje teakstakoartta.

- Álkit veršuvdna: Iežas gova oažžu čájehit skihpárii.
- Váddásut veršuvdna: Iežas gova ii oaččo čájehit skihpárii, muhto baicca galgá govvidit, mii iežas koarttas oidno.

Čáhci gápmagis -lágan artihkkala ja gova ovttahttin

Oahppit juhkkovit guovtti jovkui, luohkkái ja dan olggobeallái. Nubbi joavkkus juohkehaš oažžu iežas govvakoartta, nubbi joavku iežas teakstakoartta. Oahppit bohtet okta hávális luohkkái ohcat pára iežas teakstakortii. Oahppi oažžu ohcat iežas pára dušše oktii ovttá vuoru áiggé. Go lea gávdnan iežas pára, galgá báhcit dan báldii. Jus oahppi ii gávdna iežas pára, son máhccá ovdamearkka dihtii ovttain julggiin njuikumiin / eará latnji. Hárjehusa sáhtá váttásmahttit ovdamearkka dihtii nu, ahte iežas koartta sisdoalu ii oaččo muitalit njuolga. Maiddá lihkadanstiillat ja stohkosa birra sáhtá heivehit joavkku mielde.

KIM-stoagus

Govvakoarttat stellejuvvojit beavddi ala ja okta olmmoš joavkkus váldá ovttá govvakoartta eret. Távvalii leat speadjalaston artihkkalat ja oahppit galget muitit, guđemuš artihkal lea váldon eret beavddis alde.

Muitinčálus

Oahpaheaddji čiehkada teakstakoarttaid váccáhahkii. Oahppi lokte alces govvakoartta, muitá artihkkala ja bidjá koartta stohka vuolimužžan. Oahppi ohcá iežas koartta váccáhagas, lohka teavstta, guoddá koartta dasa ja geahččala čállit teavstta iežas pulpeahta guoras gihppagii / báhpárii. Ulbmil lea čállit teavstta nu dárkilit go vejolaš, nappo oahppi soaitá fitnat koarttas luhtte mángii. Go oahppi lea čállán ovttá artihkkala, son lokte govvakoartastohkas ođđa koartta. Ná joatkit nu guhká, go oahpaheaddji lea meroštallan.

Sánuheami páraid mielde

Oahppit juhkkovit bárralagaid. Nubbi oahppi lohka párrasis jitnosit teakstakoartta artihkkala, man nubbi oahppi sánuheami vuodul čállá gihppagii dahje báhpárii. Ovttá artihkkala maŋŋá lonuhit rollaid ja loktejit oahpaheaddji koartastohkas ođđa koartta.

Pantomima/still-govva

Smávvaajoavku oažžu alces artihkkala, mas sii galget ráhkadit pantomimačájáhusa dahje still-gova. Luohkká galgá árvidit, guđemuš artihkkalis lea sáhka. Hárjehusa sáhtá álkidahttit speadjalastimiin teakstakoarttaid oidnosii. Joavkku mielde hárjehusa sáhtá heivehit álkibun dahje váddásabbon.

- Álkit veršuvdna: Smávvaajoavku oažžu govvakoartta.
- Váddásut veršuvdna: Smávvaajoavku oažžu teakstakoartta.

Alias

Smávvaajoavkkuin dahje olles luohka oktasaš doaimman. Okta oahppi lokte koartta, man geahččala čilget sánalaččat eará luohkkái/smávvaajoavkui. Dat guhte lea árvidan riehta, oažžu čilget čuovvovaš koartta. Oahppiide sáhtá juohkit govva- dahje teakstakoarttaid dahje sehket buot koarttaid gaskaneaset.

- Hárjehusa sáhtá dahkat maiddá pantomiman, mas sániid ii oaččo geavahit.
- Hárjehusa sáhtá álkidahttit speadjalastimiin ovdamearkka dihtii teakstakoarttaid oidnosii távvalii, jus máná vuoigatvuodaid eai leat vuos dárkilit muitte.

Sárggo ja árvit

Hárjehus dahkko ovttas dahje smávvaajoavkkuin. Okta oahppi lokte koartta, man geahččala sárgut távvalii/báhpárii. Eará luohkká dahje joavku galgá árvidit, guđemuš artihkkalis lea sáhka.

Drámá smávvaajoavkkuin

Oahpaheaddji juohka oahppiid smávvaajoavkkuide. Juohke oahppiijoavku oažžu ovttá artihkkala govva- ja teakstakoartta. Oahppit ráhkadit joavkkuin smávva drámáčájáhusa das, makkár máná eallin livččii, jus gažaldatvuloš máná vuoigatvuodaid soahpamuša čuokkis ii livčče leahkimin.